



słowo tygodnja

PAKOSTNIK JE

čo. 25

- a) štóž stare kosće zběra
- b) štóž je jara suchi a kosćaty
- c) štóž kradnje

Prawa je wotmołwa **c**.

Pakostnik je paduch, potajkim čłowjek, kotryž druhemu něšto bjez woprawnjenja abo narunanja bjerje.

Takle móžeš tež prajić:

- pakosćak, paduch, rubježnik

Připódlu prajene:

Pakosćić, potajkim kradnyć, ma tež zajimawu alternatiwu: za pječ porstow kupować.

Přikłady z rěčneho korpusa:

Někotrehožkuli *pakostnika* tola šeri, hdyž wě, zo kantor po lěsu chodži abo na łakańcy sedži, (Marja Kubašec, Lěto wulkich wohenjow. Budyšin 1970)

Kaž wón swojeho stareho *pakostnika* Perriera předstaji, bě ekscelentny komediantski wukon; z kóždeho hibnjenčka a miknjenčka bě na nim pytnyć, kajki žort jemu bě, sej raz tajku překlepanu witku zahrać móć. (Rozhlad 1991)

Podobne padustwo je so we Wotrowje stało. Tam padny *pakostnikej* 200 hriwnow do rukow. (Katolski Posoł 1917)